

**Nihánj me 'o yanj cartá qui'yaj
 síí cu'naj Judas ca'néé so'
 rihaan nij yuvii nocó' man
 Diose a**

¹ 'Unj ro', me síí cu'naj Judas síí 'yaj suun rihaan Jesucristó, né tinúú Santiago mej a. Cachronj naná nihánj rihaan yanj ca'nej 'unj rihaan soj sij canacúún Diose man canoco' man so' a. Dan me se 'ee rá Rej ní' Diose man soj, né nicaj yu'unj Jesucristó man soj se gaa nān̄j tānáj soj se-naná Diose a.

² Me raj gaa 'ee ndo'o rá Diose man soj né gaa xej nimán soj qui'yaj Diose né gaa 'ee ndo'o rá soj tuvi' soj qui'yaj Diose a.

Naná nihánj taj xna'anj che'é nij síí narqué tucuáán né a

³ Dan me se guun ndo'o raj cachronj naná rihaan yanj ca'nej 'unj rihaan soj che'é daj gaa cavii sa' ndo'o taran' ní' vaa güii qui'yaj Diose, tinuj, no-coj. Tzaj né yaj me se no xcúnj cachronj yo'ó nana rihaan yanj, né cataj xna'anj 'unj rihaan soj se vaa terquee ndo'o soj canoco' raan soj se-tucuanj Diose tucuáán tucuachén nij síí nata' se-naná Jesucristó rihaan soj sij cunuu sa' rihaan Diose a.

⁴ 'O se aj catúj yuve doj nij síí narqué tucuáán né sca'núj soj, né asij naá ndo'o nó naná rihaan danj Diose che'é nij so' se vaa vaa güii quiran' nij so' sayuun, qui'yaj Diose adonj. Sij na'vej rá cuno

rihaan Diose me nij so', ne aj nari' nij so' nana se vaa me rá Diose ca'nęe Diose cacun' xráá nij so', ne che'é dan taj nij so' se vaa ca'vęe qui'yaj nij so' me ma'an se nij gą nij chaną niha' rá a. Dan me se orún' Jesucristó me síi 'nij ra'a man ní', tzaj ne taj che'é cuno nij so' rihaan Jesucristó, rá nij so' a.

⁵ Ndą' se aj ne'en soj nu' nana no rihaan danj Diose, tzaj ne na'vej raj quini'yon soj nana yo', ne che'é dan noná uún 'unj nana nihánj xréé soj, ne dan me se síi 'nij ra'a man ní' ro', tinanii so' man taran' nij síi israelítá rihaan nij síi mān Egiptó gaa naá, tzaj ne ta'aj nij so' ro', ne cuchuman rá ni'yaj man Diose, ne che'é dan cachén doj yo', gaa ne cavi' nij so', qui'yaj Diose a. ⁶ Ne aj ne'en soj se vaa ta'aj nij se-mozó Diose ro', ne ca'vej rá nij so' cąta nij so' suun ca'ne' Diose rihaan nij so', ne curihanj nij so' rej guun rá Diose cumān nij so', ne che'é dan numíj nii man nij so', ne yo'q veé dąnj gaa numji nij so' cayáán nij so' rej rmj' ndaa se quisij güii guee güii ca'nęe Diose cacun' che'é nij so', ne daj chihąq míj se ca'vee quinanii nij so' ma!. ⁷ Dan me se quiran' nij so' ndaa vaa quiran' nij síi mān roj chuman' cu'naj Sodoma gą Gomorra gą yo'ó nij chuman' naj nichryuń a. Dan me se ase vaa se chi'ii qui'yaj ta'aj se-mozó Diose yo'ro', dąnj vaa se chi'ii qui'yaj nij síi mān nij chuman' yo', ne ndaa guun rá nij so' cotoj nij so' gą chii chaną do', ga xcuu do', ne che'é dan yuún che'e tucuayuu Diose ya'an chiháán nij so', ne che'é dan me ca'vee xcaj ní' cuentá se vaa sese qui'yaj ní' se chi'ii, ne cacaá ní' rihaan ya'an nu' cavii nu' ca'anj, qui'yaj Diose adonj.

⁸ Ndą' se ne'en niж síí narqué tucuáán nę rihaan soj daj vaa sayuun quiran' niж síí israelitá do', niж se-mozó Diose do', niж síí mañ Sodoma do', tzaj ne taj se qui'yá' xcaj niж so' cuentá ma'. 'Q danj 'yaj niж so' se niж, nę ase vaa síí a'nu' vaa niж so', che'é se amán rma'an rá niж so' nanq nę nanj ei. Nę che'é dan 'yaj ndo'o niж so' se chi'ii, nę tucuáá niж so' rihaan Diose, nę a'mii niж so' nanq chi'ii che'é niж se-mozó Diose a. ⁹ Tzaj nę ndaa síí cu'naj Migueé síí 'nij ra'a man nu' niж se-mozó Diose ro', gaa naá gaa cavi' Moisés nę canó tuvi' Migueé gaa síí chree che'é cùú man Moisés, nę ne quisij rá Migueé ca'mii so' nanq niж rihaan síí chree ma'. Maqan se cataj Migueé rihaan síí chree se vaa síí 'nij ra'a man ní' me síí caxrii yuvaq man síí chree, cataj Migueé a. ¹⁰ Tzaj nę ino 'yaj niж síí narqué tucuáán nę gaa síí cu'naj Migueé yo', nę nda' se ne ne'en niж so' daj vaa niж se-mozó Diose, tzaj nę ne chu'vi' niж so' ca'mii niж so' nanq niж che'é niж se-mozó Diose ma'. Nę ase vaa xcuu ne acaj cuentá 'yaj náá güun se vaa me rá qui'yaj ro', danj vaa niж síí narqué tucuáán nę, nę che'é dan quiri' niж so' vaa güii adonj. ¹¹ Niqe' niж so' che'é sayuun quiran' niж so' nanj adonj. 'Q se ase vaa qui'yaj síí cu'naj Caín gaa ticavi' so' man tinúú so' gaa naá ro', danj vaa 'yaj niж so', nę xcoj ruvqa rá niж so' gaa tuvi' niж so' a. Nę ase vaa qui'yaj síí cu'naj Balaam gaa naá ro', danj vaa 'yaj niж so', nę me ndo'o rá niж so' qui'yaj canaán niж so' sa'anj, nę che'é dan tiha' yu'unj niж so' man tuvi' niж so' a. Nę ase vaa qui'yaj síí cu'naj Coré ro', danj vaa 'yaj niж so', nę dan me se tucuáá Coré rihaan Moisés, nę che'é dan chumánj yo'óó man niж tuvi' niж so', qui'yaj Diose

a. Né danj quiran' guee niж síí narqué tucuáán ne, quiran' uxrá niж so' sayuun vaa güii, qui'yaj Diose ei.

¹² Gaa nuu chre' soj chá soj chraa, né ne chu'vi' niж síí narqué tucuáán né yo' qui'yaj niж so' se niж, né che'é dan ase vaa luж chi'ii ro', danj vaa niж so' rihaan soj ei. Síí taj ya'anj man ma'qan me niж síí narqué tucuáán né yo', né ne racuúj niж so' man tuvi' niж so' ma'. Ase vaa ngaa no rma'qan xta' né ne aman' yaj ro', vaa niж so', né vaj niж so' rej rque do', rej xraj do' adonj. Né ase vaa chruun nuvi' vaj chruj mán raq gaa síj dió cumán chruj raq ro', vaa niж so', né chruun nacoo me niж so', né chruun quiriháj nii quiri'íj nii rihaan yo'óó me uún niж so' adonj. Ase vaa ngaa gaa chruun ro', danj vaa niж síí narqué tucuáán né yo' ei. Asino yaan guun rá yuvij se vaa síí sa' me niж so', tzaj né nuvi' suun sa' síj, 'yaj niж so' ma'. ¹³ Ase vaa rii ndo'o na ya'anj yatan' chi'ii rej tu'va na ya'qanj ro', danj vaa rii ndo'o niж so' se chi'ii 'yaj niж so' quene'en yuvij, né ase vaa yati' natuná rej cheé 'o 'o yavii ro', danj vaa uún niж so', né taj che'é gaa nucuaj rá ní' man niж so' ma'. Vaa güii, né ca'nej Diose man niж so' cayáán niж so' rej rmij' ndo'o nu' cavii nu' ca'anj nanj ei.

¹⁴ Síí cu'naj Enoc me se aj síj vatqan' xii so' cachén, né dan me se ta'níi ta'nij si'no síí cu'naj Adán me so', né dan me se nata' so' che'é niж síí narqué tucuáán né rihaan soj cuano, né dan me se cataj síí cu'naj Enoc a: "Cuno soj ca'mij á. Vaa güii, né ca'na' síí 'nij ra'a man ní' gaa que'eé míj niж se-mozó so' niж síí guee, ¹⁵ né ca'ne' so' cacun' che'é cunudanj yuvij, né cataj so' se vaa tumé niж síí ne noco' man Diose cacun' che'é nu' cacun' qui'yaj

nij so' do', che'é nu' nanq̄ nij ca'mii nij so' che'é Diose do' a." Dān̄j ca'mii Enoc che'é nij síí narqué tucuáán nē rihaan soj nihán̄j cuano a. ¹⁶ Nij so' me se taj se qui'yá' caran̄' rá nij so' ni'yaj nij so' se vaa 'yaj Diose do', se vaa 'yaj tuvi' nij so' do' ma'. Inan̄j 'yaj nij so' se nij ndaq̄ vaa me rá ma'an nij so', nē inan̄j dān̄j 'yaj nij so' nān̄j chuguānj. Síí xta' inan̄j a'mii me nij so', nē ve'é ndo'o a'mii nij so' ḡa ru'vee che'é se inan̄j me rá nij so' quiri' nij so' sa'an̄j man nij ru'vee adon̄j.

*Nana nihán̄j taj xna'an̄j che'é tucuáán narqué
Judas rihaan nij síí cuchumán yq̄ rá ni'yaj man Jesucristó a*

¹⁷ Tzaj nē soj ro', yo'q̄ cunuû rá soj nanq̄ cataj xna'an̄j nij apóstol cune' Jesucristó sij 'nij ra'a man ní' man nata' rihaan yuvij che'é so', tinuj, nocoj. ¹⁸ Nihán̄j me nanq̄ ca'mii nij so' rihaan soj a: "Asa' nichrun̄' ca'q̄anj ni'yq̄ chumij, nē ca'nq̄a' síí ca'ngq̄a' nacoo ni'yaj man nij síí amán rá ni'yaj man Jesucristó, nē inan̄j qui'yaj nij so' se nij, nē guun rá nij so' cachee nij so' ndaq̄ vaa me rá ma'an nij so', nē se canoco' nij so' man Diose q̄ man adon̄j". Dān̄j vaa nanq̄ cataj nij apóstol che'é nij síí narqué tucuáán nē a.

¹⁹ Nij síí narqué tucuáán nē yo'ro', 'yaj uun yaníj nij síí noco' man Jesucristó rihaan tuvi' nij so' ei. Inan̄j che'é neq̄ man nij so' acaj nij so' cuentá, nē che'é yo'ó rasuun̄ ne acaj nij so' cuentá q̄ ma'. Nē ase vaa xcuu vaa nij so', nē nuvi' nimán nij so' nuu q̄ ma'. ²⁰ Tzaj nē soj me se yo'q̄ raan canoco' soj se-tucuānj Diose tucuáán guee, tinuj, nocoj. Nē ca'vej rá soj räcuíj Nimán Diose man soj cachin̄j

ni'yaj soj rihaan Diose ei. ²¹ Yo'o qui'yaj soj ndaa vaa me rá Diose, gaa né yo'o gaa 'ee rá Diose man soj chuguānj. Na'vij soj güii cayáán ní' rihaan Diose nu' cavii nu' ca'anj qui'yaj Jesucristó sij 'nij ra'a man ní', che'é se 'ee rá so' man ní' ei.

²² Xa' níj síi uun vij rá, tzaj né naqui'yaj nica soj nimán níj so' canoco' níj so' Diose ei. ²³ Nago' soj chrej nucuaj man yo'ó ta'aj níj síi tumé cacun' che'é rej quinanij níj so' rihaan ya'an a. Né gaa 'ee rá soj man níj aj cuno se-nanq níj síi narqué tucuáán né ei. Tzaj né cuchu'vi' soj se gaa nanj qui'yaj soj ndaa vaa 'yaj níj so', né quinachri' soj ni'yaj soj se chi'li' 'yaj níj so' ei.

Nana nihánj taj xna'anj se vaa sa' uxrá vaa Diose daj a güii a

²⁴⁻²⁵ Sa' uxrá vaa orún' Diose síi tinanii man ní' rihaan sayuun, né gun nucuaj so' caráán so' rihaan ní' se qui'yaj ní' cacun' man chuguānj. Gun nucuaj so' tumé so' man ní' ndaa se quisij güii cayáán ní' rihaan so' rej gun chij so', né gaa nica nimán ní' güii yo', qui'yaj so', né gun niha' uxrá rá ní', qui'yaj so' adonj. Né Jesucristó sij 'nij ra'a man ní' me síi racyúj man ní', né che'é dan cataj ní' se vaa sa' uxrá vaa Diose nu' cavii nu' ca'na', né sa' uxrá 'yaj so' yaj, né sa' uxrá qui'yaj so' nu' cavii nu' ca'anj, né yo'o gun chij so' chuguānj. Veé dñanj gaa ya ei.

Se-nānā Diosē nanā sā' me rá catūū nimán ní'
a
**New Testament in Triqui, Copala (MX:trc:Triqui,
Copala)**

copyright © 1987 Wycliffe Bible Translators, Inc.

Language: Triqui, Copala

Translation by: Wycliffe Bible Translators, Inc.

Triqui, Copala [trc], Mexico

Copyright Information

© 1987, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Triqui, Copala

© 1987, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

3a8f2838-fe9f-5490-8d78-a7bbffddab871